

新纂雲南通志卷一百七十六目錄

土司考四

世官一

大理府

臨安府

澂江府

廣南府

順寧府

麗江府

普洱府

附錄鎮邊廳夷族及土官

新纂雲南通志卷一百七十六

土司考四

世官一

大理府

雲南縣土縣丞楊天錫楊干貞之裔也故楚人種元時楊奴爲縣土官明洪武十六年以縣降授土官縣丞傳至宗正統三年從征麓川有功陞知縣嘉靖七年武定土酋鳳朝文叛宗裔孫訓從官軍征之戰歿詔立祠表其忠初楊氏官縣丞時有土兵一千五百人麓川蠻莫木邦尋甸武定諸役咸效力行間傳至如櫃萬曆十四年從征麓川奪獲象馬三十五年武定酋鳳阿克尋甸夷目楊禮等相繼叛楊氏從征其部所向克捷大畧皆徒跣裹氈無部伍其良技以勁弩毒

矢爲諸夷所憚居平與洱海衛軍雜耕相安如櫃卒從祀鄉賢祠子洪襲洪卒子玉蘊襲清初平滇玉蘊子岳投誠仍授世職康熙六年雲南縣改設流官知縣其土知縣仍照祖職世襲縣丞岳傳子肇基肇基卒子國泰襲國泰卒弟國臣襲乾隆四十六年傳至天錫襲道光五年天錫死子司銓襲咸豐十年陣亡乏嗣堂姪孫朝貴光緒七年襲按民國九年宗文襲住縣城管在城甸頭新生禾甸大波那你甸上六里夷民東至一泡江孔仙橋一百三十里與姚州接壤南至八里路八里與土主簿接壤西至五里坡毛栗坡三十里與趙州接壤北至官坡磨石舊後山界牌六十里與賓川州接壤東南至大波那獨木郎與土主簿接壤西南至四里哨西北至黃草壩與趙州接壤東北至你甸楚場俄打喇孔仙橋與白井接壤

雲龍州歸化里老窩土千總段克勳其先段維精明土知州段保之  
裔清乾隆十二年率土練隨總統謝岳征秤夏夷賊招撫鵝毛頂夷  
民十寨歸順屢立戰功十七年授千總世職卒子紀襲紀卒子克勳  
襲道光元年永北夷賊滋擾調其土練一百餘人從征擒賊有功給  
五品頂戴克勳卒子恩銓咸豐二年襲光緒二十六年振興襲宣統  
二年羅氏代辦按民國十一年段淵襲淵死子承恭於民國卅年襲管地東至瀾滄江西至保山南至麗江  
北至舊蘭州冊案

雲龍州六庫土千總段履仁其先段復健明土知州段保之十七世  
孫清乾隆十二年隨總統官征秤夏夷賊生擒賊首有功十七年授  
千總世職復健卒子雲彩襲雲彩卒子理襲理卒嘉慶二十三年子  
履仁襲道光元年帶練擒賊永北賞五品頂戴履仁卒子之經復以

新纂雲南通志

卷一百七十六 土司考四 世官一

二

軍功賞如父之經卒無子胞叔宗仁襲曾隨兄勦賊得六品宗仁卒  
子開元入州庠告替與子浩光緒元年襲浩子承經以民國二十七  
年襲按浩子承經以民國二十一年襲管地東至歸化里界南至永里界西至登埂界北至

老窩界

冊案

雲龍州漕澗土把總左泰亨其先左納成都人明洪武十五年授土  
千總後廢除清順治十八年左文燦以堵禦功授長官司文燦曾孫  
世英乾隆十二年率土練隨總統征秤夏夷賊有功授把總卒子武  
生繩祖襲繩祖卒嘉慶十二年孫泰亨襲管地東至雪冲山頂南至  
栗柴壩西至孫足河底北至分水嶺冊案

此外尚有魯掌土千總茶光周登埂土千總段承鉞卯照土千總段

廣華

冊案

臨安府

納樓茶甸長官司土副長官普永年其先自唐至元皆爲蠻酋明洪武十五年金朝興定雲南司酋普少寶歷代印符納款授長官司副長官十七年朝貢給誥命冠帶遣歸傳十一世至普率率父延興崇禎時與土酋普名聲構難死率年八歲沙定洲屢謀害之賴其母祿氏匿之於元江得免清初平滇投誠仍授世職康熙四年附寧州祿昌賢反官軍討之率乞降免死二十年清兵復滇其子向化呈繳吳三桂偽劄仍令承襲向化卒子仁襲仁卒子天民襲天民卒子濟襲濟以事謫新疆從父弟澤襲澤卒子承恩襲承恩卒道光七年子永年襲永年卒子衛邦未及歲亡土族爭襲仇殺光緒中總督岑毓英巡撫唐炯奏擇親支分納樓四土舍承襲所分地山峻林深水多瘴癘轄

新纂雲南通志

卷一百七十六 土司考四 世官一

三

夷人五種村落一百有三其俗衣食樸陋耕織勤苦婚喪相助民多老死不至城郭畏官法急輸納比諸甸爲效順

按光緒九年普文理襲職二十九年因案改由普安邦襲民國四年安邦赴粵由普

國泰代十一年普家福襲二十六年普鴻武襲 案冊

虧容甸長官司土副長官孫漢其先阿附元初爲部長隸元江路傳至阿普明洪武十五年納款賜姓孫授長官司正長官改隸臨安二十三年奉調開元江路積勞染瘴歿子畧襲畧卒子蕃襲蕃卒子武襲武卒子啓宗襲啓宗卒子應壽襲應壽卒子承祖襲承祖當萬曆二十年奉檄疏通沿河一帶撫按有節著忠勤之獎傳子景元至孫大昌會清兵平滇賈原領印信詣信郡王軍前投誠授長官司副長官傳子永祚康熙二十年清兵復滇永祚首繳吳三桂偽劄仍予世職傳子世基有軍功無子傳弟世業世業子思聖病歿傳孫榮榮卒

子廷對襲廷對卒道光六年子漢襲管地東至阿迷界西至元江界南至舊溪處司界北至石屏界此甸本唐之鐵容部訛爲虧容地險而狹其長官邀賜姓之榮獨能代著勤勞無諸司桀驚之習所轄夷人三種村落二十民俗專事稼穡安分無爭世基嘗爲夷衆設義學儼有中夏風已

按光緒二十六年有孫安國者襲職民國十二年孫蔭宗襲案冊

思陀鄉土舍李紹先其先遮比明洪武時以夷酋納款捍禦安南有功授思陀甸長官司副長官舊隸元江改臨安遮比傳遮虧遮虧傳虧習虧習傳習宗習宗傳宗白宗白傳白祥白祥傳秉忠始姓李清初平滇秉忠投誠仍授世職傳子承覺承覺卒世絕康熙二十年以李世元繼襲改爲土舍傳子經國經國傳兆龍兆龍傳瑞瑞傳熙熙卒道光六年子紹先襲按今土司爲李呈祥此甸本唐之官桂思陀部壤地本廣析

新纂雲南通志

卷一百七十六 土司考四 世官一

四

而爲五溪處瓦渣左能落恐皆此部所分而思陀之壤地遂狹所轄夷人惟窩泥一種村落二十有六一統志載思陀山頂平曠有舊寨遺址今之寨近猛屏山勢極險峻每歲仲春以建寅日祭禱民始安距府治南二百八十里東至落恐鄉界十里南至元江直隸州界五十里西十五里北十里皆交元江界每年額征差發銀一百八十三兩一錢七分秋米二十九石零案冊

溪處鄉土舍趙國樑其先有夷人無姓所居溪處山因以溪處爲名傳二世曰處遂三世曰遂配四世曰配東五世曰東克六世曰赤謁及七世自恩當明洪武十五年捍禦交南有功授溪處甸長官司副長官永樂九年自恩入朝貢馬及金銀器奏言本司歲納海肥七萬九千八百索非土所產乞准折輸鈔銀爲便戶部以洪武中定額難

之成祖言取有於無適以厲民況彼遠夷尤宜寬卹詔除海貳之賦  
自自恩後子孫之名一以恩字相承數傳至恩海恩榮恩貴皆不知  
有姓弘治間知府陳晟始教之姓趙然恩之名猶未易也遞傳恩祿  
恩宣恩洪恩福以至恩忠清初平滇投誠仍授世職康熙四年附祿  
昌賢叛伏誅以其弟恩廉襲改爲土舍恩廉傳恩厚恩厚傳恩義恩  
義傳恩寵及雲龍而名始變雲龍傳煥煥傳國寶國寶傳盛盛傳理  
嘉慶二十五年宗哈寨夷民高羅衣糾衆作亂理從之被獲伏誅族  
目保舉國樑承襲國樑死子爲藩未襲故乏嗣光緒二年堂姪鎮芳  
襲十七年趙永康襲宣統三年永康妻李氏代辦按民國七年趙永興襲  
十七年傳至趙其禮距舊  
府治西南三百一十五里東至納樓司界五十里南至元江直隸州  
界一百二十里西至左能思陀界五十五里北至虧容司界二十五

里征差發銀三百二十八兩一錢四分六釐秋米二百一十二石一  
斗此鄉因山得名其山奇峭延長中多溪澗民居傍山立寨春溫夏  
熱秋燥冬寒晨昏迷霧入人肌骨焚夷羅羅二種處其中務農業而  
不知詩書蓋風氣尙未開也稽之舊乘於唐屬官思陀部於元或隸  
雲南行省或隸元江自明至今改隸臨安村落四十有二案

瓦渣鄉唐南詔蒙氏時諸蠻凡三十七部官桂思陀其一也歷鄭楊  
段不通中國元定雲南設官多以土人之酋爲之於是官桂思陀析  
爲五甸甸各設官瓦渣亦五甸之一明洪武十五年其酋阿英歸附  
賜姓錢授長官司副長官自錢因錢玉錢威遠十三世至覺耀清初  
平滇覺耀投誠仍授世職康熙四年附祿昌賢等反官兵擒斬之改  
職土舍以錢運襲運傳登龍登龍傳正元正元傳錫廕錫廕傳繼祖

繼祖傳瑾瑾年老告休道光元年子國勳襲國勳死子永基襲永基死子濱襲濱被匪殺無子堂弟浚年未及歲光緒六年白氏撫孤代辦次年浚襲十七年劉氏代辦此鄉在舊府治西南二百四十里寒暑不均潮濕殊甚土舍所轄夷人五種寨三十有六東至溪處鄉界三十里南至元江直隸州界四十里西至左能鄉界三十里北至虧容司界五十里征差發銀三百二十八兩一錢四分六釐秋米二百一十二石一斗

按民國十六年饑  
前詳襲職案冊

左能鄉土舍吳俊其先吳蚌頗居左能山下開闢草萊衆夷推爲長明洪武時納糧有功即以所開闢地別爲一甸不屬思陀授蚌頗長官司副長官蚌頗傳獵豆獵豆傳龍勝龍勝傳安安傳上登數世皆桀驁不聽道府鈴束坐以除職清初平滇有吳應科者出投誠稽其

譜系爲蚌頗十一世孫因改授土舍應科傳順順傳世臣世臣傳弟世標世標傳義義傳廷輔廷輔子俊嘉慶元年襲所轄夷人惟窩泥一種村落八年征差發銀一百一十二兩六錢三分九釐秋米三十九石七斗距府治西南二百五十里東至瓦渣鄉界十里南至溪處瓦渣界二十里西至思陀鄉界十里北至落恐鄉界五里

按今土司  
爲吳忠臣

落恐鄉土舍陳元龍其先他有元時爲軍民萬戶土官明洪武二十五年納款賜姓名陳開基授落恐甸長官司副長官自開基傳十四世而至陳玉會清初平滇詣軍前投誠因號紙遺失給以土舍委牌改甸稱鄉玉傳良棟良棟傳國賓國賓傳大用大用傳廷佐廷佐傳永錫永錫傳接祖接祖傳綸嘉慶六年綸以被控抗調革黜道光元年令綸子元承襲所轄夷民惟窩泥一種村落十年征差發銀六十

八兩七錢三分三釐秋米十九石三斗三升七合八勺距府治南二百八十里東至瓦渣鄉界五十里南至左能鄉界五里西至思陀鄉界三十里北至元江直隸州界十五里

按今土司爲陳永壽案冊

阿邦鄉土舍陶珍其先陶碩德當明初開闢茲土洪武二十年招撫夷民輸納籽糧傳子蘊從征交趾有功授撫夷土守備隸臨安傳八世至順祖清初平滇投誠旋議土司不宜加以武爵改爲土舍順祖傳斌斌傳文璧文璧傳仁仁傳永祚永祚傳任任傳起鼇起鼇傳珍珍年未及歲嘉慶二十一年珍母刁氏撫孤署事所轄惟焚夷一種管村落四年征條編銀七兩一錢五分秋米七石四斗三升檳榔變價銀六十六兩四錢四分其鄉在府治東南二百一十里地狹民貧鮮有蓋藏東至風口十里交納樓司界南至五邦二里西至水塘三

里北至小寨一里皆交建水界

按今土司爲陶印來案冊

慢車鄉土舍刁其勳其先刁岡當清順治間元江夷人作亂隨官軍征勦有功授土舍世職隸元江改隸臨安岡傳板板傳璽璽傳國良國良傳英英傳裕裕傳其偉其偉無子嘉慶二十二年以弟其勳襲其鄉在府治西南一百四十里東至納樓司漫金溝界五里南至木梳賈界三十五里西至虧容司萬年青樹界一里北至禮社江界半里所轄夷人四種窩泥樸喇焚夷羅羅管村落十八年征差發銀六十兩秋米六十石

案冊

犒吾卡土把總龍定昌其祖在渭本納更司土目當清初雍正間隨官軍進勦元普夷人有功臨元鎮總兵官董芳給以土把總職銜傳子瑄乾隆五十年議請刪除嘉慶二十二年江外逆夷作亂瑄及子

定國隨官軍進勦同時陣亡總督伯齡請令世襲土把總以定國弟定昌代理俟其生子立爲定國之嗣承襲定昌死子躍池襲躍池死子汝霖年幼母普氏撫孤及長以軍務出力捐助糧餉有功加游擊銜賞戴花翎汝霖死光緒七年子裕光襲裕光傳子毓乾按民國二十九年子聘程襲職其地距府治東南二百八十里東至開化府小河口二十里南至三猛地界連交搥一百里西至蠻凸小河界三十里北至禮社江蒙自縣界五里案冊

按三司六鄉之外有十五猛皆險要之區東界開化南界交搥西界溪處納樓北界納樓納更縱橫四百餘里萬嶺插天三江繞逕鳥道蠶叢人跡罕至猛設掌寨一人亦世世相繼督征錢糧雖無品秩然既爲夷衆之長當附載之

猛喇寨長刀秉銓其先刀起鳳清順治十五年投誠歲納籽粒銀一百兩鳳傳溫溫傳懷懷傳定邦定邦傳易罕易罕傳國安國安傳有光有光幼國寧繼國寧死弟國洪繼國洪死子秉銓繼按清季有刀治國者襲職民國四年刀光榮襲民國

二十一年自動呈請改土歸流業經照准 案冊

茨桶壩寨長李國定其先李文第清乾隆十八年由猛丁分管歲納籽粒銀三十兩文第傳子錫爵天爵暨天爵子如松如松傳子國定

按民國二十年土司代辦李溫氏情願解除土司名稱並呈繳印信

五畝寨長陶陞其先陶振祖清順治十五年投誠歲納秋米十七石條銀十六兩三錢八分公件銀八兩五錢差發銀一百兩振祖死子餘慶繼餘慶死子溶繼溶死子聯登繼聯登被斥弟聯科繼聯科死聯登子禮繼禮退弟義繼義退禮之子聚泰繼聚泰斥而義復繼義

斥而聚泰又繼聚泰再斥而永泰繼永泰死陞繼按光緒二十七年陶秉泰襲宣統三年秉泰死於匪弟秉德襲民國九年

陶有福代辦十三年陶文貴承襲案冊

五邦寨長刀鎮遠其先刀宗仁清順治十五年投誠歲納秋米二十五石條銀二十四兩二錢五分公件銀十二兩五錢宗仁死子起鳳繼起鳳有罪伏法弟起龍繼起龍死子之富繼之富死子其昌繼其昌被斥先委阿邦鄉土舍陶文傑代理後令其昌姪易雄繼易雄死弟易漢繼易漢死波繼波死安定繼安定死安正繼安正死鎮遠繼

按清季有刀治清襲職傳衛邦民國十二年刀鎮光承襲案冊

者米寨長王永安其先王光耀清康熙二十一年投誠歲納籽粒銀八十兩後傳弟光有光有死子一龍繼一龍死子秉忠繼秉忠死子正九繼正九死子永安年幼其從兄聯魁代理案冊

新纂雲南通志

卷一百七十六 土司考四 世官一

九

猛弄寨長白明其先白安清雍正十三年投誠歲納籽粒銀四十四兩秋米七石後傳姪士正士正死子文龍繼文龍死子如美繼如美死子錦繼錦死子文光繼文光死子明繼按光緒間有白兆麟者襲職民國十七年白日新承襲案冊

馬龍寨長李裕先是清乾隆二十年以陶順為寨長順後退與族人汝明汝明仍退與順子正龍正龍復退與納更龍納更龍退與六呼夷民白鳳高後委李裕長寨歲納秋米十石條銀九兩六錢零公件銀五兩年例銀二十五兩按後有李開科襲職民國十一年李錦廉襲案冊

宗哈瓦遮寨長有三正寨長普昌鼎副寨長白湛普林初明萬曆十四年馬豸投誠傳十一世皆馬姓至清乾隆五十七年馬宣泰為普白二姓所控於是分而為三以馬聯陞普萬白鶴鳴分掌相傳至今歲納秋米八石八斗一升條銀八兩四錢八分公件銀四兩四錢零

年例銀二十五兩

冊案

按正寨長普正元清光緒十年襲至民國十一年普正寬襲副寨長白石柱清光緒二十一年襲民國四年由止寨長普正寬兼六年白繼光襲又副寨長普連開清末襲職民國二十年普國樑襲

阿土寨長陶源其先陶嵩明崇禎十年歸附歲納秋糧七石條銀六兩七錢五分公件銀三兩五錢嵩死子扁繼扁死子成繼成死子孔昭繼孔昭死子耀祖繼耀祖死子源繼冊案  
水塘寨長陶武其先陶成明崇禎十二年歸附歲納秋米四石條銀三兩八錢五分三釐公件銀二兩成死子國祥繼國祥死子璧繼璧死子汝明繼汝明死子文繼文死弟武繼按今土司為陶永清案冊  
此外尚有納樓崇道安正二里土舍普鴻武六呼掌寨土外委李瑞庭上河虧容司孫斌元冊案

### 澂江府

新纂雲南通志

卷一百七十六

土司考四 世官一

一〇

新興州土州判王正本其先王鳳明王敬之後清康熙十九年征南大將軍賴塔討吳世璠鳳以偽授游擊率所部詣廣西路投誠令隨征至石門坎馬別河與敵鏖戰取銀錠山先登有功授州判世職鳳告休子廸吉由州附生襲從征魯奎野賊優敘卒子遴襲遴卒子攜桂襲攜桂卒子鈞由增生襲鈞卒子兩民襲兩民病退嘉慶四年子潮襲潮卒子敦仁早故乏嗣堂姪正本同治三年襲以軍功保獎五品銜賞戴花翎光緒二十四年革職二十八年王清心代辦宣統二年革職按民國五年王家賓承襲管地東至安花二十里南至馬龍槽十里西至路口村西山四十里北至鐵鑪關二十五里冊案

### 廣南府

土同知儂茂先其先儂郎恐智高之裔也元至元間立廣南西道宣

撫司郎恐以軍功授宣撫傳子不花不花卒無子傳弟正佑明洪武十七年歸附改廣南府以正佑子郎金爲同知二十八年郎金入朝賜錦綺鈔錠二十九年都指揮同知王俊奉命率後衛官軍至廣南築城建衛正佑不自安結衆據山寨拒守俊遣人招之不服時伏草莽中劫掠覘官軍進退俊乃遣指揮歐慶等分兵攻各寨自將取正佑諸寨悉破正佑窮促就擒械送京師降郎金爲府通判卒弟郎舉襲宣德元年入朝貢馬正統時富州土官沈政與郎舉互訐糾衆侵地相仇殺十餘年時方征麓川憚兵威不敢動未幾郎舉以從征功陞同知卒無嗣四門舍目共推儂文舉署事屢立戰功萬曆七年實授同知子印祖從征三鄰親獲賊首詔賞銀百兩播州之役征其兵三千討尋甸叛目皆有功賜四品服自文舉藉四門舍目推擁之力

得授職後儂氏襲替必因之土官之政出於四門租稅僅取十之一道險多瘴知府不至其地印以臨安指揮一人署之指揮出印封一室入取必有瘟疫死亡印祖遞傳至仕英萬曆末知府廖鉉避瘴臨安以印付仕英子添壽添壽死家奴竊印歸於其族叔儂仕祥時仕英親弟仕獬例得襲索仕祥印仕祥不與獻地於泗城土官岑接與連婚構兵滅仕獬家及仕祥死子琳以印送接巡撫王懋中調兵往問接出印送於官廷議治鉉擅離與守巡失撫之罪詔勿問仕獬傳至紹周從征東川尋甸有功陞土知府職銜卒子鵬襲清初平滇鵬投誠繳印仍授同知世職順治十八年改流知府鵬卒子繩英襲繩英卒子振裔襲振裔卒子毓榮襲乾隆三十一年調毓榮從征普洱緬甸著有功績三十七年頒給土同知關防毓榮卒子世昌襲嘉慶

二年從征貴州苗匪射死賊目一人所統土練殺死賊衆一百十五  
人生擒四人授四品官服並戴花翎軍中染病凱旋後卒無子弟世  
熙襲世熙卒道光七年子兆桂襲兆桂死興道襲興道死同治十年  
茂先承襲其裔那朶土司儂鼎勳儂鼎銘遞襲按民國十四年儂鼎和襲尙有一部分勢力管地東  
至廣西省西林縣界三百里南至廣西小鎮安土州界三百里西至  
廣西直隸州五曹界二百七十里北至羅平州界三百里

案冊

### 順寧府

耿馬直隸宣撫司罕恩沛其先罕蓋忠本木邦宣慰司所屬土官明  
萬曆間緬甸攻木邦蓋忠奔永昌其後罕悶坎悶金從鄧子龍征緬  
甸有功授悶坎宣撫司印駐耿馬邊徼十八土司之一地也悶坎卒  
無子弟悶金襲悶金卒子悶擺襲清兵平滇悶擺投誠仍授世職其

新纂雲南通志

卷一百七十六 土司考四 世官一

一一一

差發銀舊納於金騰道道裁後逕解布政司因改爲直隸宣撫司悶  
擺卒子杼忠襲杼忠卒子世藩襲世藩卒子國楷襲國楷卒子朝瓊  
襲朝瓊告休子廷所因殘疾孫君相襲君相卒其長子恩保早殤次  
子恩沛應襲年幼道光四年母線氏撫孤代理及長任職恩沛卒子  
榮光先死以弟恩澤襲咸豐七年爲猛角董族目恩倫恩正戕殺恩  
澤子榮陞出亡同治十二年依順雲協蔣宗漢之助榮陞回耿馬復  
襲父職榮陞卒子華基光緒十六年襲華基卒子富國襲富國歿委  
其弟富廷代理按民國廿三年委實管地縱五百里橫二百五十里東北界順寧東  
界雲州東南界緬寧南界鎮邊西南界班洪西界孟定西北界麻栗  
壩北界鎮康案冊

孟連宣撫司刀派全其先坎把法本哈瓦蠻開闢荒地招集夷民守

土傳世改名孟連明永樂四年頭目刀派送遣子壞罕入貢上言孟連舊屬麓川平緬宣慰司後隸孟定府而孟定知府刀名扛亦故平緬頭目素與等夷乞改隸遂設長官司隸雲南都司命刀派送爲長官賜冠印章正統四年思任發反以兵破孟連遂降於麓川爲木邦宣慰罕蓋法擊敗七年總督王驥征麓川招降孟連亦保等寨敕賜孟連故長官司刀派罕子派樂等綵幣嘉靖中孟連與孟養孟密諸部仇殺數十年司廢至萬曆十三年隴川平隴川即麓川復設稱猛臉亦十八土司之一也此據明史上司傳前志所無派樂遞傳至派真其叔父派漢娶於車里因以車里兵殺派真而奪其官時隴川猶未平也派漢既奪官率車里入貢十九年又勸緬甸入貢朝廷貫其奪官之罪派漢死弟派金襲傳至派鼎清康熙四十八年貢象投誠授宣撫司世職傳至派清因

其地處極邊界連外域定爲經制宣撫司頒給印信號紙傳至派全年未及歲道光七年其叔派森撫孤代理管地東至南郎河一百八十里與孟遮交界南至丙海山八十里與孟養交界西至南化河一百二十里與卡瓦野夷交界北至辣蒜江四百二十里與猛猛交界

冊案

按案冊載永某烏某奏摺孟連土司清嘉慶年間尙有刀派功承襲惟派功係在派清前抑在派清後無從查悉暫付闕如

### 附永某烏某奏摺

按阮岑志官制題名嘉慶時有巡撫永保提督烏大經此摺是否二人所奏錄之以俟考證

奏爲查明孟連土司刀派功與銅金爭界實在情形據情斷結恭摺奏聞仰祈聖鑒事竊臣永臣烏前將查明銅金現在情形差人往喚俟有回信斟酌辦理緣由先行奏聞在案一面差人往喚銅金及孟連土司刀派功並三猛五圈之傑黑頭人去後因日久無信又連次飭催實因沿途雨水甚大又正值瘴癘之時委難迅速行走是以銅金於七月二十間始遵調來至大筆江邊因江水漲大不能過渡銅金在彼岸等候八月十七日水勢稍退即趕渡過江臣等即令普洱鎮總兵書成順寧府知府福桑阿威遠同知劉大鼎在猛戛等候面諭銅金到來言語動作俱極恭順隨訊其因何佔據孟連地界緣由據稱銅金本係僧人並無黨羽亦無外人附合豈有爭搶佔踞土司人地之事緣銅金本在南興一帶居住嘉慶五年保黑滋事奉書大人諭令勸化約束彼處夷人向日尙信服銅金故即聽從約束勸化至今三年以來實無一人滋事俱各安靜守法至該處夷人因孟連土司不善撫綏兼多派累以致該處夷人等人心離棄所有應交土司之山水錢糧不肯交納亦不服其差派幾欲不法銅金亦曾經極力恐嚇飭阻未致滋事

况銅金既在孟連地方居住代為約束其人即同孟連屬下之土目無異故於孟連處向日亦甚尊他給他稟帖並無強霸之事只  
求問孟連土司並三猛五圍之頭人銅金如有不法情甘認罪等語其所傳之三猛五圍各頭人亦俱遵調陸續過江前來復一  
訊問據稱夷人等本係孟連土司所屬之人實因孟連土司刀派功連年苛派逼甚即如每年我們應交錢糧不過一百餘兩土司  
每年加收至一千餘兩實在衆人怕歸土司管束自委銅金管束我們以來實在公道衆人心服是以情願聽他管束並無強逼霸  
佔的事况銅金孤身一人我們衆保有二萬多人他如何能把我們強逼歸他實是我們都情願各國安靜度日是以歸他管教我  
們這項人內並無再有生事的我們實在並未敢叛離孟連土司各等語復訊以爾等既未叛離土司不過是因土司苛派逼甚懼  
怕雖不聽其苛派而每年應交之山水錢糧豈可竟不交土司收納居其地而不交錢糧即與叛出無異據稱我們愚蠢夷人實在  
不知此理今既明白曉示我們豈敢不遵所有山水錢糧原是該交的若仍在孟連處上納他仍是勒索受累我們既已歸天朝情  
願將錢糧交與內地地方官或轉發孟連我們方不致受累臣等復令鎮府等諭以此項錢糧是孟連土司所應收若內地收納豈  
非內地分其所管地方斷無是理若轉發給孟連更似內地代孟連收糧錢糧更非體制爾等尚須再斟酌復據各頭人僉稱如此  
吩咐夷人無不感激但以後錢糧夷人竟去交納土司實在害由我們既願聽銅管束我們應交土司的錢糧即交銅金轉交土  
司庶免衆人受累等語詢問銅金據稱銅金既在此居住不特衆保夷應交孟連錢糧即銅金亦應交納况如今又管束其人即與  
該土司之土目無異是以向來亦甚敬土司况今已蒙施恩准令還俗更名張輔國曾給有戳記遇有事件給孟連土司信都用稟  
帖自稱土目張輔國如今既算孟連所屬其該處錢糧事即說不得不管今衆保黑頭人言語俱極恭順絲毫不  
敢違拗所供俱情理惟究屬一面之詞亦必須孟連土司情願方免日後葛藤不意孟連土司早經傳喚並無覆信後又連次札  
調方據稟覆以邊防緊要現在實不能分身其分界之事只求公斷無不遵依等情竊按其意大都因情虛理虧更恐衆保黑頭計發  
其短故託故不敢前來實對但該土司是原告之人今內地派大員前來代為清理地界被告等人等俱已久到問明待其前來質問  
而伊反託故不到至夷性多疑不能通曉大體故未便深究然張輔國及衆保黑頭人如此順從若只管令其久待不特衆心生疑  
而該土司亦不可聽其任意傲慢驕縱今衆保俱在情理張輔國亦願聽其屬管即當剴切斷令鎮府等將斷理緣由嚴飭札知  
倘孟連土司又復嘖嘖尚有不足濟呈即可將其並不聽調前來之非嚴切訓飭其所斷亦係准情按理並無絲毫偏袒緣由批示  
量該土司亦無可再為執辯再臣等未察此事以前亦聞傳說銅金人甚可惡狡詐異常今親來查辦訪問一切與從前傳言迥異

新纂雲南通志

卷一百七十六 土司考四 世官一

即此次一傳即到而見鎮府其恭敬懼怕露之形色並聞其內地傳喚初甚恐懼不敢前來而又不取不來惟恐獲咎故勉強過  
江據此一節尚非敢於內地抗拗有違其向稱僧人者並非和尙竟係喇嘛著黃衣與西藏無異經典亦熟諳黑之肯為恭敬亦如  
西藏番衆之敬黃教相同又加以素日甚能籠絡人心機巧詭詐所有土司派累衆人之事而張輔國皆矯其弊而行之是以衆夷  
心悅誠服看其光景於內地可保其暫且無事而日久力量漸足其附近各土司之人亦難保其漸次收籠臣等初計以為果爾恭  
順從前既經准其還俗給以戳記有一土目之名今即可乘勝加以鼓勵明授以土目或臣等再換給戳記以堅其恭順之心但念  
黃腳保內有李伙頭楊金等尙未歸服從前亦曾飭令其擒拿並未獲即伊亦覺未能出力微露惶悚並稱將來總要拿此二人  
以圖報效等語此時若因其過江前來過為獎勵即加以恩施夷性無厭反啓其輕視之心倘將來果有微勞必更以為其功可居  
妄生奢望似暫不使其驕傲自滿臣等商酌即諭以爾從前並未擒獲李伙頭等本屬無功但因爾自管束保黑以來俱能守分  
安靜尙未生事故准爾還俗改名給以戳記上目名目管轄衆保今既恭順仍照舊准爾還俗更名張輔國用原給之戳記算為  
上目約束衆保如稍有事端惟爾是問果能將逆保李伙頭等拿獲擒獻稍有功績自必另為恩施張輔國聞語亦甚感激願圖出  
力是以此次惟酌賞給銀牌牛羊等物外未曾過於鼓勵獎賞且看其將來能否始終如一或稍立微勞再為斟酌辦理至三猛  
五圍之保黑從前游事不法經張輔國約束此三年來並未滋事今差傳其各頭人臣等尙恐其畏罪不敢前來今竟俱遵奉過江  
情形亦俱恭順並有情願將錢糧交納內地之語是其止於離棄該土司並無在內地妄生希冀之意况其人數約有二萬餘衆俱  
一心帖服張輔國其勢斷不能令仍歸孟連土司管束尙一經逼勒必致又滋弊端在張輔國既不敢承認佔踞並願為孟連內  
屬且肯代催錢糧轉為交納而衆保黑亦堅供並未叛出孟連仍歸孟連屬下各照向例交山水錢糧如此斷定是三猛五圍之人  
雖歸張輔國管束而錢糧仍係孟連土司收受亦非強為偏斷况孟連土司屢傳並未到案已屬無理未便因其一人致大衆久在  
內地居住守候除飭張輔國及衆保黑仍回江外各安生業並令鎮府札飭孟連土司遵照外如該土司刀派功將來復有他辯臣  
等自當執理曉諭折服其心所有據情斷結未致稍生邊畔各緣由理合恭摺具奏伏乞皇上睿鑒謹奏 案冊

此外尚有班洪總管胡忠漢案冊

麗江府

正六品土官木暎其先祿麥西域人宋徽宗時至麗江蠻酋美陶阿古奇其狀貌妻以女推爲蠻酋夷衆咸服從生子阿琮宋理宗寶祐元年蒙古兀良合台征大理阿琮子阿良率夷衆迎降授茶罕章宣慰司總管名其地曰麗江從世祖擒興智授副元帥傳子阿胡阿胡傳阿烈阿烈傳阿甲元順帝授宣撫司副使傳子阿得順帝北遷明洪武十五年大兵平雲南阿得歸附置麗江府以阿得爲知府十六年阿得入朝貢馬賜姓木或曰祿麥乘木泛金沙江而來及阿得爲知府遂姓木其時沐英以西平侯鎮雲南英本姓木太祖加水旁以別之且於右旁加點使異於沐浴之沐語涉荒唐未足據也十八年巨津土酋阿雙聰叛劫石門關陸仲亨討之捕獲伏誅阿得從征斬其僞元帥朱保又從沐英征景東定邊皆有功予世襲二十四年卒

子初當襲初守巨津州石門關與西番接境旣襲職英請以初弟虧爲千夫長代守石門上從之初傳土土傳森森從黔國公沐晟征麓川有功正統五年賜誥命加授大中大夫資治少尹傳子欽成化十一年疏奏鶴慶千夫長趙賢屢糾羣賊越境殺掠乞調官軍擒勦憲宗命移知守臣計畫欽傳恭恭傳定定傳公公傳高嘉靖三十九年進助殿工銀二千八百兩詔進一級授亞中大夫給誥命高傳東東傳旺旺傳青萬曆三十一年巡按御史宋興祖奏稅使內監楊榮欲責麗江土司退地聽探竊以麗江自太祖令木氏世守以絕西域守鐵橋以斷吐蕃滇南藉爲屏藩今使退地聽探必失遠蠻之心即令聽諭已使國家歲歲有吐蕃之防倘或不聽豈獨有傷國體疏上事得寢其時土官明史不言何人按其世次乃木增也自得至增十三

世矣增善武略且好文雅北勝蠻亂率兵擒賊首高蘭又助餉銀二萬餘兩敍功晉通奉大夫布政使陞廣西右參政四川左參政授太僕寺卿其職以子懿襲追贈祖旺父青如其官天啓二年以病告加授左參政致仕五年特給誥命以旌其忠增延納儒流所著作爲一時名士稱賞明史謂雲南諸土官好禮守義以麗江木氏爲首誠非虛美也清順治十六年懿投誠繳元三臺銀印明鎮邊金印十七年頒給印信仍授土知府世職吳三桂割江外照可你那鼠羅香羅忠甸五處與吐蕃錢糧仍歸土知府賠納康熙八年豁免賠款吳三桂又割江內其宗喇普與吐蕃錢糧又責土知府賠納又以不受僞劄囚木懿七載懿死子靖襲靖死無子弟櫛襲櫛死子壺襲壺傳子興興傳從弟鍾雍正元年爲土人所控降鍾爲通判改設流官知府以

原頒府印付之傳子德德傳子秀乾隆五十年改爲六品土官嘉慶二十年秀老子睿由增生襲睿死子漢道光二十年襲漢死長子煜早故次子暎帶練勦賊有功賞給四品頂戴花翎同治十三年襲光緒四年暎子蔭襲遞傳標按民國十八年木瓊襲住居大研里東至隔江滾蕩野番界一百六十里南至鶴慶州界八十里西至隔江栗栗野番界三百里北至阿喜江八十里

案冊

蘭州土舍羅定國其先羅克元時爲萬戶明洪武十五年歸附以軍功授蘭州知州其時麗江爲軍民府領四州蘭其一也克傳牙從土知府木初征刀於孟嘗著戰功遞傳至乾清順治十六年投誠繳印裁州停襲康熙三十三年漢客栗栗構費仍授土官授乾孫維馨土舍傳至羅紳病告休姪羅印祚道光二十年襲咸豐元年助勦怒夷